

四庫全書

子部

欽定四庫全書

冊府元龜卷五百四

宋王欽若等撰

邦計部

權酤

關市

絲帛

權酤

周官萍氏之職掌幾酒謹酒之事蓋所以察其過多失時而使民節用也漢初或歲之不登人至艱食慮其糜穀乃申禁止天漢之年爰建權法官設酤釀籠取其利

其後郡國舉士議以當罷公車上書稱其非便布在方策論之詳矣若乃稽古立政因時創制灾沴沴沴作寶穀而貴農游惰尚衆懲奸而革弊於是煩一切之法崇務本之道斯可矣至於析秋毫之心計峻金科之刑典茲固異夫成周設官之旨也

漢景帝中三年夏旱禁酤酒

後元年夏大酺民得酤酒

武帝天漢三年二月初榷酒酤

榷音較以木渡水曰榷謂禁民酤釀獨官開置

如道路設木為樅獨取其利也樅者步渡橋爾雅謂之石杠今之畧約是也禁閉其事總利入官而下無繇以得有若渡水之樅因立名

馮酤音工護反約音酌

昭帝始元六年二月詔有司問郡國所舉賢良文學民

所疾苦議罷鹽鐵樅酤七月罷樅酤官令民得以律占

租律請當上租者家長身各以其物占占不以實家長不身自書皆罰金二斤沒入所不自占物及買錢縣

官也占謂自隱度其實定其辭也占音章贍切下文言占名數其義並同今猶謂獄訟之辨曰占皆其意也蓋

武帝時賦斂繁多律賣酒升四錢時桑弘羊為御史大

夫與丞相田千秋共奏罷酒酤

元帝時賈捐之上書言文帝時民賦四十丁男三年而
一事至武帝民賦數百造鹽鐵酒榷之利以佐用度猶
不能足而人困矣

王莽時義和魯匡言酒酤獨未幹

幹謂主領也

酒者天之美

祿帝王所以願養天下饗祀祈福扶衰養疾百禮之會

非酒不行故詩曰無酒酤我

小雅伐木之詩也酤買也言王於族人思厚要在燕

飲無酒則買而飲之而論語曰酤酒不食二者非相反也夫詩據

承平之世酒酤在官和旨使人可以相御也

旨是美也御是進也

論語孔子當周衰亂酒酤在民薄惡不誠是以疑而弗
食今絕天下之酒則無以行禮相養放而亡限則費財
傷民請法古令官作酒以二千五百石為一均率開一

盧以賣

盧者賣酒之區也以其一邊高形如鍛家盧故取名耳

讎五十釀為準一

釀用麴米二斛麴一斛得成酒六斛六斗各以其市月

朔米麴三斛并計其賈而參分之也

參三也

以其一為酒一

斛之平除米麴本賈計其利而什分之以其七入官其

三及糟載仄炭

載酢漿也

給工器

新樵之費義和置命士督

五均六幹郡有數人皆用富賈雒陽薛子仲張長叔

臨菑姓偉等

姓姓名偉也

乘傳求利交錯天下因與郡縣通

姦多張空簿

簿計簿也

府藏不實百姓愈病莽知民苦之復

下詔曰夫鹽食肴之將

將天也一說為食肴之將帥

酒百藥之長嘉

會之好鐵田農之本名山大澤饒衍之藏五均賒貸百

姓所取平印以給贍鐵布銅冶通行有無備民用也此

六者非編戶齊民所能家作

家謂家家自作也

必印於市雖貴

數倍不得不買豪民富賈即要貧弱先聖知其然也故

幹之每一幹為設科條防禁犯者梟至死奸吏猾民並
侵衆庶各不安生

後漢和帝永元十六年二月詔充豫徐冀四州比年雨
多傷稼禁酤酒

順帝漢安二年十月禁酤酒

桓帝永興二年九月丁卯詔以水旱禁郡國不得賣酒
祠祀裁足

魏國初建時科禁酒

蜀先主時以天旱禁酒釀者有刑

晉孝武帝太元八年十二月庚午以寇難初平開酒禁
安帝隆安五年以歲饑禁酒

義熙三年二月己丑大赦除酒禁

後趙石勒以百姓始復業資儲未豐於是重制禁釀郊
祀宗廟皆以釀酒行之數年無復釀者

宋文帝元嘉十二年六月禁酒

二十年正月乙亥南徐南豫州揚州之浙江江西並禁

酒

二十二年九月乙未開酒禁

南齊武帝永明十一年五月詔曰水旱成災穀稼傷弊
凡三調衆逋可同申至秋登京師二縣朱方姑熟可權
斷酒

陳文帝天嘉二年十二月甲申太子中庶子虞荔御史
中丞孔奐以國用不足奏立煮海鹽傳及權酤之科詔
並施行

後魏文成太安四年正月丙午始設酒禁是時年穀屢
登士民多因酒致酖訟或議王政惡其若此故一切禁
之釀酤皆斬之

獻文即位開酒禁吉凶賓親則禁有日

東魏孝靜帝天平四年閏九月禁京師酤酒

元象元年四月開酒禁

北齊武成帝河清四年二月以年穀不登禁酤酒

後主天統五年十月壬戌詔禁造酒

武平六年閏八月辛巳開酒禁

隋文帝開皇三年以周末之弊官置酒坊至是罷酒坊與百姓共之

唐高祖武德二年閏二月詔曰酒醪之用表節制於歡娛芻豢之滋致肥甘于豐衍然而沉湎之輩絕業亡資惰窳之民騁嗜奔慾方今烽燧尚警言兵革未寧年數不登市肆騰踊趣末者衆浮冗尚多有羞麴蘖重增其費救弊之術要在權宜關內諸州官民具斷屠酤

高宗咸亨元年七月庚戌粟麥貴斷五熟雜食酤酒

玄宗先天二年十一月禁京城酤酒歲饑故也

肅宗乾元元年三月詔曰為政之本期於節用今農工
在務廩食未優如聞京城之中酒價尤貴但以麴蘖之
費有損國儲游惰之徒益資廢業其京城內沽酒即宜
禁斷麥熟之後仍依常式

二年十月禁沽酒除光祿供進祭祀及宴蕃客外一切

禁斷

代宗寶應二年三月以泰陵乾陵發引詔禁酤酒

廣德二年十二月詔天下州縣各量定酤酒戶隨月納稅除此之外不論官私一切禁斷

德宗以大歷十四年五月即位七月罷天下權酒

建中三年閏正月初權酒天下悉令官釀斛收直一千米雖賤不得減二千委州縣綜領醕薄私釀罪有差以京師王者都特免其權貞元二年十二月度支請於京城及畿縣行權酒之法每斛權一百五十其酒戶並蠲

免差役從之

憲宗元和二年正月制酤酒及雜權率並同禁斷

六年六月京兆府奏權酒錢除出正酒戶外一切隨兩稅青苗錢據貫均率從之

十四年七月湖州刺史李應奏先是官酤代百姓納權歲月既久為弊滋深伏望許令百姓自取酤登舊額仍許入兩稅隨貫均出依舊例折納輕貸送上都許之

酒權

錢舊皆隨兩稅徵衆戶自貞元已來有土者競為進奉故上言百姓困弊輸納不充請置官坊酤酒以代之既

得請則嚴設酒法閭閻之人舉手觸禁而官收厚利以濟其私為害日久矣及李應奏罷議者謂宰臣能因湖州之法則其弊革矣

穆宗以元和十五年正月即位閏正月浙西觀察使竇易直奏當道舊例官酤酒代百姓納權去年湖州刺史李應奏請罷當州官酤代百姓納權庶戎鎮易為安撫疲人免輸權利勅曰不酤官酒有益疲人管內六州皆合一例宜並准湖州勅處分議者是李應而非易直長慶元年正月制權酒錢有已分配百姓處又置酒店

官酷并諸色推率切宜禁斷

三年王仲舒出為江西觀察奏罷犯推酒之罪以官錢
三萬貫代貧戶輸稅

文宗太和四年七月湖南觀察使韋詞奏前使王公亮
奏請權勸收其贏利將代上供臣到州察訪自停加配
閭里稍安人戶逃者亦漸歸復但藏挾頗易挂陷頗多
兼當州土宜少有勸麥州司遠處求糴般運甚難伏請
却停權勸任商旅將至當州州司准推酒元勅及洪州

鄂州流例於州縣津市官酤以代人戶配額可之

五年正月江西觀察使裴誼奏當道從太和元年觀察使李憲以軍用不足奏請禁百姓造酒官中自酤吏緣為奸酒味薄惡老病生產盡不堪任公開偉門私謗盈路臣叨膺重寄合務使人請停官酤任自醞造臣請諸色方圓節儉冀使軍用濟使人無怨咨可之

六月誼又奏洪州每年合送省榷酒錢五萬貫文舊例百姓醞造其錢依前例隨百姓兩稅貫頭均納當管洪

州停官店酤酒其錢已據數均配訖並不加配業戶從之

八年二月詔京邑之內本無榷酤屬貞元用兵之後費用稍廣始定店戶等第令其納榷況萬方所聚私釀至多禁令既不可施權利自無所入徒立課額殊非惠人其長安萬年兩縣見徵榷酒錢一萬五千一十貫八百文若先欠者並宜放免其榷酒錢起今亦宜停

武宗會昌六年九月勅揚州等八道州府置榷麴并置

官店酤酒代百姓納權酒錢并充資助軍用各有權許
限揚州陳許江州襄州河東五處權麴浙西浙東鄂岳
三處置官酤酒如聞禁止私酤過聞嚴酷一人違犯連
累數家閭里之間不免咨怨宜從今以後如有私酤酒
及買私麴者但許罪止一身并所由容縱任據罪處分
鄉井之內如不知情並不得追擾其所犯之人任用重
典兼不得沒入家產

梁太祖開平三年十一月勅許諸道州府百姓自造麴

官中不禁

後唐明宗天成三年七月詔曰應三京鄴都諸道州府
鄉村人戶自今年七月後於夏穰田苗上每畝納麴錢
五文足陌一任百姓自造私麴醞酒供家其錢隨夏秋
徵納其京都及諸道州府縣鎮坊界內應逐年買官麴
酒戶便許自造麴醞酒貨賣仍取天成二年正月至年
終逐戶計算都買麴錢數內十分只納二分以充權酒
錢便從今年七月後管數徵納權酒戶外其餘諸色人

亦許私造酒麴供家即不得裏私賣酒如有固違便
仰糾察勒依中等酒戶納權其坊一任酤賣不在納權
之限其麴勅命到後任便踏造如賣麴酒戶中有去年
曾賣麴今年因事不辨買麴住開店者則與出落如覩
新勅有情願開店投權者則不計舊戶便令依見納錢
中等戶例出權以後酒戶中有無力開店賣酒亦許隨
處陳狀其舊納麴錢並宜停廢應諸處麴務據見管
麴亦仰十分減八分價錢出賣不得更請官本踏造

時孔

循以麴法投一家於雒陽或獻此
議以為愛其人便於國故行之

長興元年二月赦書節文諸道州府人戶每秋苗一畝
上元徵麴錢五文今後特放二文只徵三文

二年五月詔曰酒醴所重麴蘗是先頃緣賣價太高
禁條頗峻士庶因斯而抵犯刑名繇是以滋彰爰行改
革之文庶息煩苛之政各隨苗畝量定稅錢訪聞數年
已來雖犯法者稀而傷民則甚蓋以亂離日久貧下
戶多纒過昇平且勤稼穡各務耕田鑿井孰能枕麴藉

糟既隨例以均攤遂抱虛而輸納漸成凋弊深可憫傷
況欲致豐財必除時病有利之事方切施行無名之求
尤宜廢罷但得日新之理何辭夕改之嫌應三京諸道
州府苗畝上所徵麴錢等便從今年夏並放其麴官中
自造委逐州減舊價一半於在城撲斷貨賣除在城
居人不得私造外鄉村人戶或要供家一任私造勅下
之日人甚悅之

是年七月三司奏諸道州府申論先有勅命許百姓造

麩不來官場收買伏慮課額不迫請准已前麩法百姓與在城條法一例指揮從之仍據百姓已造到麩令送納入官量支還麥本

周太祖廣順元年九月詔改麩法凡犯五斤已上者處死先是漢法不計斤兩多少並處極刑至是始革之

周世宗顯德四年七月詔曰諸道州府麩務今後一依往例官中禁法賣麩逐處先置都務候勅到日並仰停罷據見在麩數依時踏造候人戶將價錢據數給麩

不得賒賣抑配與人應鄉村人戶今後並許自造米醋
及買糟造醋供食仍許於本州縣界就精美處酤賣其
酒麴法條依舊施行先是自晉漢已來諸道州府皆權
計麴額置都務以酤酒民間酒醋例皆醜薄世宗知其
弊故令改法

關市

周禮司關掌國貨之節神農為市致天下之人故出入
有征交易而退將俾人知禁而物有平也自漢興已還

國用斯廣故察其過所謹其貨財譏訶偽遊以重其明
禁增加賦算以給乎有司斯亦因時有為以助經費者
也自茲厥後蓋無改焉

周文王治岐關市譏而不征

關以譏察非常不征稅也

齊桓公踐位十九年施關市之征

正賦五十而取一貨財

五十一

十二年三月除關無用傳

景帝四年春復置諸關用傳出入

孝武元光六年初算商車

元狩四年冬初算緡錢先是公卿言商賈滋衆貧民蓄

積無有皆仰縣官異時算輶車賈人之緡錢皆有差小

請算如故

緡絲也用以貫錢每貫千錢出二千為算也

諸賈人末作貫貸買

賣居邑貯積諸物

貫賒也貸假與也

及商以取利者雖無市籍

各以其物自占

占之贍切隱度也各隱度其財物多少而為名簿送之於官

率緡錢

二千而算一

計其有二千錢則出一算

諸作有租及鑄

以手力所作而賣之者

率緡錢四千而算一非吏比者三老北邊騎士輶車一

算比例也身非為吏之例非為三老非為北邊騎士而有輜車皆令出一算商賈人輜車二

算船五丈以上一算匿不自占不悉戍邊一歲沒入

緡錢有能告者以其半畀之有不輸稅令人得告以半與之也

太初四年徙弘農都尉治武關稅出入者以給關吏卒

食

漢書地理志弘農郡有故秦之函谷關上黨郡有上黨關壺口關石研關天井關牂牁郡有柱蒲關進桑

關巴郡魚復有江關都尉治敦煌郡有陽關玉門關代郡有五原關蒼梧郡有灘水關荔平關合浦郡有合浦

關

天漢二年冬十一月詔關都尉曰今豪傑多遠交依東

方羣盜其謹察出入者

舊制入關皆用傳傳法因裂編帛分半後復出合之以為符信

買符也郭丹從宛人陳兆買入關符既入關封符乞人也

後漢章帝元和二年冬十一月壬辰日南至初閉關

梁

易曰先王以至日閉關商旅不行又後漢書志河南有函谷關左右絕岸十丈中容車有輶轅關有銅關弘農郡有潼關河南有武牢關中山有馬鞍關堂關陽安關南陽有武關

魏文帝初嗣魏王位下令曰關津所以通商旅設禁重稅非所以便民其輕關津之稅皆復什一

晉元帝自過江凡貨賣奴婢馬牛田宅有文券率錢一

萬輸估四百入官賣者三百買者一百無文券者隨物
所堪亦百分收四名為散估又都西有石頭津東有方
山津各置津主一人直水五人以檢察禁物及亡叛者
其荻炭魚薪之類小津者並十分稅一以入官其東路
無禁貨故方山津檢察甚簡淮水北有大市百餘所
小市十餘所大市備置官司稅斂既重時甚苦之

孝武寧康元年詔除丹陽竹格等四桁稅

晉書地理志河南郡

有函谷關成臯關鄂阪關延壽關弘農有函谷舊關上雒有峽關汲郡有銅關武昌郡有湓口關

宋孝武帝大明八年詔曰東境去歲不稔宜廣商貨遠近販鬻來者可停道中雜稅其以仗自防悉勿禁

顧憲之字士思後廢帝元徽中為東中郎長史行會稽郡事時齊武帝於餘姚立邸頗縱恣憲之至郡除之西陵戍主杜元懿以吳興歲儉會稽年登商旅往來倍歲西陵牛埭稅官格日三千五百元懿加至一倍計年長百萬浦陽南北津及柳浦四埭乞為官領攝一年格外長四百許萬武帝以示會稽郡使陳得失憲之議曰尋始立

牛隸之意非苟通僦以納稅也當以風濤迅險人力不捷
屢致膠溺濟急以利物耳既公私是樂故輸直無怨京
師航渡即其例也而後之監領各務已功互生理外或
禁遏別道或空稅江行或撲船倍價或力周而猶責允
如此類不經隸煩牛者上詳被報蒙停格外十條從來
喧訴始得暫弭案吳興頻歲失稔今茲尤饑去乏從豐
良繇饑棘或徵貸質粒還拯親累或提携老弱陳力
餬口隸司責稅依俗弗降舊格新減尚未議登格外

加倍將以何術皇慈恤隱振廩蠲調而元懿幸災權利
重增困瘼人而不仁古今共疾且比見加格置市者前
後相屬非唯新加無贏並皆舊格有關愚恐元懿今啓
亦當不殊若事不副言懼貽譴詰便百方侵苦為公賈
怨元懿稟性苛刻已彰往効任以物土譬以狼將羊其
所欲舉腹心亦當獸而冠耳書云與其有聚斂之臣寧
有盜臣言盜公為損益微斂民所害乃大也然掌斯任
者應簡廉平則無害於人愚又以便宜者蓋謂便公宜

於人也竊見頃之言便宜者非能於人力之外用天分地者也率皆即日不宜於人方來未便於公名與實反有乖政體見如此等誠宜深察山陰一縣課戶二萬其人貲不滿三千者殆將居半刻又刻之猶且三分餘一尢有貲者多是士人復除其貧極者悉皆露戶役民三五屬官蓋惟分定百端輸調又則常然比衆局檢校首尾尋續橫相質累者亦復不少人被攝十人相追一緒裁萌千孽互起螻蟻事弛而農業廢賤取庸而貴舉責

應公贍私日不暇給欲無為非其可得乎且死不憚矧
伊刑罰身且不愛何況妻子是以前檢未窮後巧復滋
禁網徒峻猶不能悛竊尋人之多偽寔繇宋季軍旅
繁興役賦殷重不堪勤劇倚巧祈優積習生常遂迷忘
反四海之大庶黎之衆心用參差難卒澄一化宜以漸
不可疾責誠存不擾藏疾納濟務詳寬簡則稍自歸淳
又被簡符前後年月久遠其事不存符旨既嚴不敢闇
信縣簡送郡郡簡呈使殊形詭狀千變萬源聞者忽不

經懷見者寔足傷駭兼親屬里伍流離道路時轉寒涸
事方未已其士人婦女彌難厝衷不簡則疑其有巧
欲復未知所安愚謂此條宜委縣簡保舉其綱領畧其
毛目乃當有漏不出貯中庶嬰疾沉痾者重荷生造之恩又
永興與諸暨罹唐寓寇擾公私之殘燼彌復特甚儻
逢水旱寔不易思俗諺云會稽打鼓送恤吳興步擔令
史會稽舊稱沃壤今猶若此吳興本是墾土事在可知
因循餘弊誠宜改張武帝並從之繇是深以方直見知

後魏孝明孝昌三年閏十一月稅市出入者各一錢店

舍為五等前廢帝初即位詔稅市及稅監之官悉廢之

北齊後主武平六年以軍國資用不足稅關市舟車山

澤鹽鐵店肆重輕各有差

時黃門侍郎顏之推奏請開府鄧顯贊成之後主大悅於

是以前所入以供御府聲色之費軍國之用不在此

後周閔帝元年初除市門稅

宣帝大象二年復稅入市者人一錢

隋高祖初為周相除入市之稅

唐太宗武德九年八月甲子即位是月壬申詔曰遠至
邇安昔王令典通財鬻貨生民常業關梁之設襟要斯
在義止懲奸無取苛暴近代拘刺禁禦滋彰因山川之
重阻聚珍竒而不出遂使商旅寢廢行李稽留上失博
厚之恩下蓄無聊之怨非所以綏安百姓懷輯萬方化
洽升平克隆至治者也朕君臨區宇情深覆育率土
之內靡隔幽遐使公私往來道路無壅賾寶交易中外
匪殊思改前弊以諧民俗其潼關以東綠河諸關悉宜

停廢其金銀綾等新物依格不得出關者並不須禁

高宗顯慶二年十二月十九日雒州置北市隸太府寺
並不須禁雒州南面北面各置關

武后天授二年七月九日勅其雍州已西安置潼關即
宜廢省

三年四月十六日神都置西市尋廢

長安元年十一月二十八日廢京中市

二年二月有司表請稅關市鳳閣舍人崔融深以為不

可上疏諫曰伏見有司稅關市事條不限工商但是
行旅盡稅者臣謹案周禮九賦其七曰關市之賦
竊惟市縱繁巧關通末遊欲令此徒止抑所以咸增稅
賦臣謹商度今古料量家國竊將為不可稅謹條事
跡如左伏惟聖旨擇焉往古之時醇樸未散公田籍而
不稅關防譏而不征中代已來澆風驟進桑麻疲弊
稼穡辛勤於是各徇通財爭趨作巧求徑捷之欲速忘
歲計之無餘遂使田萊日荒倉廩不積蠶織休廢弊

緇闕如饑寒猥臻亂離斯起先王懲其若此所以稅關
市者唯歛出入之商賈不稅往來之行人今若不論商
人通取諸色事不師古法乃任情悠悠末代於何瞻仰
濟濟盛朝自取嗤笑雖欲憲章姬典乃是違背周官臣
知其不可一也臣謹按易繫辭稱庖羲氏沒神農氏作
以日中為市致天下之人聚天下之貨交易而退各得
其所班志亦云財者帝王聚人守位養成羣生奉順天
德理國安人之本也士農工商四人有業學以居位曰

士闢土殖穀曰農作巧成器曰工通財鬻貨曰商聖王
量能授事四人陳力受職然則四人各業久矣今復安
得動而搖之蕭何又云人情一定不復動搖傳又云曹
叅相齊國安集大稱賢相叅去屬其後相曰以齊獄
市為寄慎勿擾也後相曰理無大於此者乎叅曰不然
夫獄市所以并容也今君擾之姦人安所容乎吾是以
先之夫獄市兼受善惡若窮之姦人無所容竄久且
為亂秦人極刑而天下叛以道化其本不欲擾其末臣

知其不可二也四海之廣九州之雜關必據險路市必
憑要津若乃富商大賈豪宗惡少輕死重氣結黨連
羣喑鳴則彎弓睚眦則挺劍小有失意且猶如此一旦
變法定是相驚乘茲困窮或致騷動便恐南走越北走
胡非唯流逆齊人亦是攪擾殊俗人如邊徼之地寇賊
為隣興胡之旅歲月相繼儻因科賦致有猜疑一從散
亡何以制禁求利雖切為害方深而有司上言不識大
體徒欲益帑藏助軍國殊不知軍國益擾帑藏逾空

臣知其不可者三也孟軻有云古之為關也將以禦暴
今之為關者將以為暴令行者皆稅本末同流且如天
下諸津舟航所聚旁通巴漢前指閩越七澤十數三江
五湖控引河雒兼包淮海弘舸巨艦千舳萬艘交負往
還昧旦永日今若江津河口致鋪納稅稅則檢覆覆則
遲留此津纔過彼鋪復止非唯國家稅錢更遭主司僦
賄船有大小載有多少量物而稅觸途淹久統論一日
之中未過十分之一因此擁滯必致吁嗟一朝失利則

萬商費業萬商費業則人不聊生其間或有輕恥任
俠之徒斬龍刺蛟之黨鄱陽暴虐之客楚中悍壯之
夫居則藏鏹出便竦劍加之以重稅因之以威脅一旦
獸窮則搏鳥窮則攫執事者復何以安之哉臣知其不
可者四也五帝之初不可詳已三王之後厥有著聞秦
漢相承典章大敝至如關市之稅史籍有文秦政以雄
圖武力捨之而不用也漢武以霸畧英才去之而勿取
也何則關為禦暴之所市為聚人之地稅市則人散稅關

則暴興暴興則起異圖人散則懷不軌夫人心莫不背善而樂禍易動而難安一市不安則天下之市搖矣一關不安則天下之關動矣況澆風久扇變法為難徒欲禁末遊規小利豈知失玄默亂大倫魏晉眇小齊隋齷齪亦所不行斯道者也臣知其不可五也今之所稅關市者何也豈不以國用不足邊寇為虞一行斯術冀有殷贍然微臣敢借前箸以籌之伏惟陛下當聖期御玄籙與天地合其德日月合其明役使衆靈宰制羣動沉

壁于雒刻石于嵩鑄寶鼎以窮姦坐明堂而布政頌
聲洋溢和氣絪縕三皇不足四五帝不足六神化廣洽
至德潛通東夷蹙驚萬應時平殄南蠻纜動計日歸降
西域五十餘國廣輪一萬餘里城堡清夷亭堠靜謐以
為患者唯有二蕃今吐蕃請命邊事不起即日雖尚屯
兵久後終成弛析獨有默啜假息孤恩惡貫禍盈覆亡
不暇征役日已省矣繁費日已稀矣然猶下明制導
太璞愛人力惜人財王侯舊封妃主新禮所有支料咸

令減削此陛下以躬率人堯舜之用心也且關中河北
水旱數年諸虜逃亡今始安輯儻加重稅或慮相驚況
承平歲積薄賦日久俗荷深恩人知自樂卒有變法必
多生怨生怨則驚驚擾則不安中既不安外何能禦
文王曰帝王富其人霸王富其地理國若不足亂國若
有餘古人有言王者藏於天下諸侯藏於百姓農夫藏
於庾商賈藏於篋惟陛下詳之必若師興有費國儲多
寔即請倍算商客加歛平人如此則國保富強人免憂

懼天下幸甚臣知其不可者六也陛下留神繫表屬想
政源冒茲炎熾早朝晏坐一日二日機務不遺先天後
天靈心密應時之得失小臣何知率陳瞽詞伏紙惶惕
疏奏帝納之遂寢其事

四年十一月又置神都西市

中宗景龍元年十一月勅諸非州縣之所不得置市其
市常以午時擊鼓三百下而衆大會日入前七刻擊鉦
三百下散其州縣領務少處不欲設鉦鼓聽之車駕行

幸處即於頓側立市差三官人權簡校市事

是月又勅兩京市諸行自有正鋪者不得於鋪前更造偏鋪名聽用尋常一椽偏廂諸行以濫物交易者沒官諸在市及人衆中相驚動令擾亂者杖八十

玄宗開元十三年六月二十三日又廢其口馬移入北市

二十年勅曰綾羅絹布雜貨交易皆通用如聞市肆必消見錢深非道理自今已後與錢貨兼用不遵者准法

罪之

天寶八載十月五日西京威遠營置西市華清宮置北
市

肅宗乾元元年八月勅大散關宜依舊令鳳翔府收管
代宗寶應元年九月勅駱谷荆襄子午等路往來行客
所將隨身器仗等今日已後除郎官御史諸州部統進
奉事官任將器仗隨身自餘私客等皆須過所上具所
將器仗色目然後放過如過所上不具所將器仗色目

數者一切於守堤處勒留

大歷八年七月勅京城內諸坊市門至秋成後宜令所
繇勾當修補

十四年七月令王公百官及天下長吏無得與人爭利
先於揚州置邸肆貿易者罷之先是諸道節度觀察使
以廣陵當南北大衝百貨所集多以軍儲貿販別置邸
肆名託軍用實私其利焉至是乃絕

德宗建中元年九月戶部侍郎趙贊條奏諸道津要都

會之所皆置吏閱商人財貨計錢每千稅二十文

二年五月以軍興十一而稅商

興元元年春正月癸酉德宗在奉天行在宮受朝賀畢
大赦改元制曰其所加墊陌錢稅間架竹木茶漆權鐵
之類悉宜停罷

貞元二十一年二月赦文應緣宮市並出正文帖依時

價買賣不得侵擾百姓

貞元以後京都多中官市物於
廛肆謂之宮市不持文告口含

勅命皆以鹽估不中衣服絹帛雜紅紫之物倍高其估尺
寸裂以酬價謂之精供富商皆匿名深居陳列坊閑唯麤

厲苦窳市後又強驅入禁中傾車罄輦而去色少不甘
毆至血流者中人之出雖沽漿賣餅之家無不徹擔塞
門以伺其去蒼頭女奴輕車名馬惴惴衛巷得免捕
為幸京師之人嗟愁叫閹訴闕則左右前後皆人也

憲宗元和九年五月豐州奏中受降城與靈州城接界
請置關從之

敬宗寶曆二年七月義成軍節度使李聽奏請於潁州
置場稅商旅以贍軍從之

十月京兆尹劉栖楚奏術者數之妙苟利於時必以救
患伏以前度甚雨閉門得晴臣請今後每陰雨五日即

令坊市閉北門以禳諸陰晴三日便令盡開門使啓閉
有常永為定式從之

文宗太和五年十月辛未戶部侍郎庾敬休奏劍南東
川西川山南西道每年稅及陌除錢等伏以劍南道稅
茶舊例委度支巡院勾當權稅當司於上都召商人便
換太和元年戶部侍郎崔元畧與西川節度使商量取
其穩便遂奏請稅茶事使司自勾當每年出錢四萬貫
送省近年以來都不依元奏并三道諸色錢物州府多

逗遛不送皆不稟奉今請取江西例勾當於歸州置巡院所自勾當收管諸色錢物送省所冀免有懸欠仍令巡官李漬專往與德裕遵古量商制置續具聞奏從之

開成二年夏五月武寧軍節度使薛元賞奏泗口稅場先是一物貨稅今請停去雜稅唯留稅茶一色以助供軍詔曰惠人須在於必誠革弊宜圖於去本又留茶稅惠則未終宜悉罷之每年特以度支戶部錢二萬貫賜

供本軍及充驛料先是王智興逐帥自立故朝廷姑息之因請致稅於泗口以贍軍用往來過為寇掠後之節帥多利其利不革前弊至是除元賞上於閣內遣令條奏及詔下往來之人遂絕怨咨

武宗以開成五年正月即位十二月勅京夜市宜令禁斷

會昌元年七月勅如聞十六宅置宮市已來稍苦於百姓成弊既久須有改移自今已後所出市一物已上宜

並依三宮置市不得令損刺百姓

宣宗大中五年八月勅中縣戶滿三千已上置市令一人史二人不滿二千戶已上者並不得置市官治要路須置舊來交易繁者聽依三千戶法置仍申省諸縣在州郭下並置市官

六年正月鹽鐵轉運使兵部侍郎裴休奏諸道節度使觀察使置店停止茶商每斤收蹋地錢并稅經過商人頗乖法理今請釐革橫稅以通舟商旅既安課利自

厚

三月隴州防禦使薛達奏伏奉正月二十六日詔旨令臣移築故關訖聞奏者伏以汧源西境切在故關昔有隄防殊無制置僻在重崗之上苟務高深今移要會之中實堪控扼舊絕泉井遠汲河流今則臨水挾山當川限谷危墻深塹克揚營壘之勢伏乞改為定戎關關吏鈐轄往來臣當界又有南路亦是要衝舊有水關亦請准前扼捉去正月二十七日起工今月十七日畢謹畫

圖進上勅旨薛達新置關城得其要害形於圖畫頗見
公忠宜依所奏

七年七月二十日廢州縣市印

梁太祖開平元年七月勅宜以關東為內仍以潼關隸

陝州初置河潼軍使命
虢州刺史兼領之是月又改武牢關為虎牢關仍置

虎牢
軍使

後唐莊宗同光二年二月庚午租庸使孔謙奏諸道綱
運商旅多於私路苟免商稅不繇官路往來宜令所在

關防嚴加捉搦山谷私由道路仍須彰塞以戢行人
三年八月戊寅免湖南躡地茶稅沿路稅錢

明宗天成元年四月詔曰省司及諸府置稅茶場院自
湖南至京六七處納稅以致商旅不通及州使置雜稅
務交下煩碎宜定合稅物色名目商旅即許收稅不得
邀難百姓諸道鹽務破脚價極多獲少須有條流以成
規制又詔諸州雜稅宜定合稅物色名目不得邀難商
旅租庸司先將係省錢物與人迴圖宜令盡底收納以

塞倖門

四年七月兵部員外郎趙燕奏切見京城人買賣莊宅
官中印契每貫抽稅契錢二十文其市牙人每貫收錢
一百文甚苦貧民請行條理從之

長興元年正月許州奏准詔放過淮南客二百三十人
通商也

九月燕人梁庭投匭陳狀云天下商稅處多不繇舊時
關市制度以此倍擾農商亦請減除奸弊勅旨並許施

行

二年八月勅應三京諸道州府商稅等多不係屬州府
皆是省司差置場官朕自受命開基勵精布政將推誠
而感物每屈已以從人況於列侯尤所注意豈可山河
重寄並在藩方關市徵租獨歸省務加以所置職掌素
處幽微向闡闡以肆威與王公而抗禮蓋已往從權之
事豈將來經久之規特議改更貴除繁屑自今已後諸
商稅並委逐處州府撲斷依省司常年定額勾當辦集

冀除生事之端不與豐財之理

晉高祖天福元年閏十一月壬午勅關防凡有征稅省
司曾降條流慮多時而或有隱藏因肆赦而再頒條貫
應諸道商稅仰逐處將省司合收稅條件文牒於本院
前分明張懸不得收卷牒內該稅名目分數者即得收稅
如牒內元不該稅着係稅物色即不得收稅宜令所在
長吏常加覺察如敢有違條流不將文牒張懸將不合
係稅物色收稅罔欺官法停住商賈者盡行具名申送

七年十一月宣旨下三司應有往來鹽貨悉稅之過稅
每斤七文住稅每斤一十文其諸道州府應有屬州鹽
務並令省司差人勾當既而糴鹽雖多而人戶鹽錢又
不放免至今民甚苦之

漢高祖乾祐元年詔曰軍國之費務在豐財關市之征
資於行旅所宜優假俾遂流應天下商旅來所在並須
饒借不得妄有邀勒

隱帝乾祐二年國子司業樊倫上言三事其一耕桑未

至國多游民關市之中稅物苛細請稍減省以惠疲民
百姓賣物不多所歷關市並望除稅

三年六月太常少卿劉悅上言臣伏見買賣耕牛官中
元無商稅近日關市場院不稟勅文恣是收稅歲計其
利所入無多在於農民即疲於市易請重降勅文明行
止絕勸人耕稼國之大計倉廩有積何莫由斯

周太祖廣順元年十二月甲寅相州李筠乞除放黃澤
關商稅課利從之

二年十一月鄆州言奉詔已示諭商稅院不收絲麻鞋
等稅

三年正月澶州言於商稅舊額上添長錢二千八百貫
麴務添七千貫從今年三月初一納起詔褒之

三月詔曰青白池務素有定規祇是近年頗乖循守比
來青鹽一石抽稅錢八百文足陌鹽一斗白鹽一石抽
稅錢五百文鹽五升其後青鹽一石抽稅錢一千鹽一
斗訪聞改法已來不便商旅蕃人漢戶求利艱難宜與

優饒庶令存濟今後每有青鹽一石依舊抽稅錢八百
文以八十五為陌鹽一斗白鹽一石抽稅錢五百鹽五
升此外更不得別有邀求如聞邊上鎮舖於蕃漢戶市
易糶糶衆私抽稅今後一切止絕

絲帛

管氏有言曰一婦不織天下必有受其寒然則藉其蠶
稅教以女工故夏書辨絲枲之貢周官述布帛之利其
所由来尚矣歷漢而下經制具存廣狹精粗不中則禁

之錦繡纂組有害則却之以庸為名用抑游惰兼粟為
貨以通有無苟輕重混淆則良楛雜糅必在明開塞之
術防巧偽之源使桑土適均賦歛不濫然後數量可一
風俗可齊致任土之宜來厥篚之美五十者可以衣而
知榮辱斯亦商功利之一端也

周武王時太公以布為貨廣二尺二寸為幅長四丈為

疋

後封齊以其地負海鹵少五穀乃勸以女工
之業其後俗漸多織作水紈綺繡純歷之物

漢武帝時桑弘羊為治粟都尉領大農天子北至朔方

東封太山巡海上旁北邊以歸所過賞賜用帛百餘萬疋皆取足大農其後請均輸帛五百萬疋

哀帝初即位詔齊三服官諸官織綺繡難成害女紅之

物皆止無作輸

紅亦工也

後漢章帝建初二年詔齊相勿復送冰紈方空穀吹綸

絮

冰言色鮮潔如冰方空穀即今方目紗也

魏太祖定鄴都令戶絹二疋綿二斤餘皆不得擅興藏

彊賦弱

晉武帝時有司奏依舊調絹綿詔不肯

又云有司奏調
房子睢陽綿武

帝不

許

惠帝永寧初雒中有錦帛四百萬

元帝渡江軍事草創蠻陬賤布不有常準府中所儲
數四千疋

宋孝武時齊庫上絹年調鉅萬疋綿亦稱此期限嚴峻
人間買絹一疋二三千綿一兩三四百貧者賣妻子其
甚者或自縊死侍中陳懷丈具陳人困由是薄有所減

江左自晉至陳其調丁男調布絹各二丈絲三兩
綿八兩祿絹八尺祿綿二兩二分丁女並半之

後魏道武天興中詔採諸漏戶令輸綸綿自後諸逃戶
占為紬繭羅殺者甚衆於是雜管戶帥遍于天下不隸
守宰賦役不周戶口錯亂太武始光三年詔一切罷之
以屬郡縣

孝文延興三年七月詔河南六州之民戶收絹一疋綿
一斤先是舊制民間所織絹布皆幅廣二尺二寸長四
十尺為一疋六十尺為一端令任服用後仍漸至濫惡

不依尺度於是更立嚴制令一准前式違者罪各有差
有司不檢察與同罪

太和八年戶增帛三疋先是天下戶以九品混通戶調
帛三疋絮二斤絲一斤又入帛一疋二丈委之州庫以
供調外之費至是增之以為官司之祿後增調外帛滿
二疋所調各隨其土所出其司冀雍華定相秦維豫懷
交陝徐青濟濟南豫東兗東徐九州貢綿絹及絲幽
平并肆岐涇荆涼梁汾秦安營幽夏光郢東秦西州萬

年鴈門上谷靈邱廣寧平涼郡懷化郡上郡之長平白水縣青州北海郡之膠東縣平昌郡之東武平昌縣高密郡之昌安高密夷安黔際縣秦州河東之蒲坂汾陰縣東徐州東莞郡之莒諸東莞縣雍州馮郡之蓮芍縣咸陽郡之雍寧夷縣北地郡之三原雲陽銅關宜君縣華州華山郡之夏陽縣徐州濟北郡之離狐豐縣東海郡贛榆襄贛縣皆以麻布充稅十年給事中李冲上言准古法立隣里黨三長其民調一夫一婦帛一疋民年

十五以上未娶者四人出一夫一婦之調奴任耕婢任績者八口當未娶者四耕牛二十頭當奴婢八其麻布之鄉一夫一婦布一疋下至牛以此為降大率十疋為公調二疋為私調外費三疋為內外百官俸

東魏孝靜天平元年遷都於鄴六方之衆萬餘人北徙春秋二時賜帛以供衣服費常調之外逐豐稔之處折絹糴以充國之儲

北齊文宣時天保中調絹以七尺為丈右僕射崔暹言

之乃依舊焉

武成河清三年定令率人一狀調一疋綿八兩九十斤
綿折一斤作絲

後周太祖為西魏相創制六官司賦掌功賦之政凡令
人自十八以至六十四與輕癯者皆賦之其賦之法有
室者歲不過絹一疋綿八兩單丁者半之其非桑土有
室者布一疋麻十斤單丁者又半之豐年則全賦中年
半之下年一之皆以時徵焉若難阮朮札則不徵其賦

隋高祖開皇二年頒新令遵北齊之制丁男一牀桑土
調以絹純麻土調以布絹純以疋加綿三兩布一端加
麻三斤單丁及僕隸各半之

九年平陳高祖親御朱雀門勞凱旋師行慶賞自門外
夾道列布帛之積達于南郭以次頒給所費三百餘萬
段

十二年有司上言庫藏皆滿高祖曰朕既薄賦於人又
大經賜用何得爾也對曰用處常少納處常多略計每

年賜用至數百萬段曾無減損於是更闢左藏之院構屋以受之

唐高祖初平京師傾府藏以賜勲人既而又患國用不給太原人劉義節進計曰今義師數十萬並在長安樵貴而布帛賤若伐街衢及苑中之樹為樵以易布帛歲取數千萬疋立可致也又藏內繒絹疋皆有餘軸之使申截取剩物以供雜費動盈十餘萬段矣高祖並從之大收其利

武德七年定令每丁調隨其鄉土所產綾絹純各二丈
布加五分之一輸綾絹純者兼調綿三斤輸布者麻三
斤

代宗大歷中詔曰王制命市納賈以觀人之好惡布帛
精麤不中度廣狹不中量不鬻於市漢詔亦云纂組丈
繡害女紅也朕思以恭儉克己淳朴化人每尚素玄之
服庶齊金土之價而風俗不一踰侈相高浸弊於時其
來自久耗縑繒之本資錦綺之奢異彩竒文恣其誇競

今師旅未戢黎元不康豈使淫巧之功更虧常制在外
所織造大張錦獨軟錦瑞錦透背及竭鑿六破已上錦
獨窠文紗四尺幅及獨窠吳綾獨窠司馬綾等並宜禁
斷其長行高麗白錦雜色及常行小文子綾錦等任依
舊例造其綾錦花文所織盤龍對鳳麒麟獅子天馬辟
邪孔雀仙鶴芝草萬字雙勝及諸織羌樣文字等宜亦

禁斷

憲宗元和八年四月以錢重貨輕出內庫錢五十萬貫

命兩常平收市布帛每端疋於舊估加十之一

九年八月詔太府奏建州泉州壽州所納物麤惡短狹
布帛有幅制度所存近日勸課不精竊濫方甚遂使女
工都棄國用空虛若無所懲何以知懼刺史宜各罰一
月課料錄事參軍本縣令各罰一季課料本曹官罰
一季課料仍書下考

十一年六月京兆府奏今年諸縣夏稅折納綾絹絕綉
絲綿等並請依本縣時價只定上中二等每疋加饒二

百文綿每兩加饒十五文絲每兩加饒二十文其下等物不在納限小戶本錢不足任納絲綿斛斗須是本戶如有本戶輒合集買成疋段代納者所由決十五枷項令衆

宣宗以會昌六年三月即位十一月刑部尚書判度支崔元式奏准今年七月二日勅諸道所出次弱綾絹紗等宜令禁斷若舊織得行使仍委所在官中收納如輒更有織造行使買賣同罪須指射出次弱物州府令

戶部度支鹽鐵三司同條流聞奏者省司先牒左藏庫
勘到所出次弱疋帛州府名額伏以綾絹紗等州府所
買機杼織造並合勘充者煮練既不堪衣着則虛費織功
今欲委諸道節度觀察使刺史差清強官搜獲百姓織
造濫惡疋段狹小機杼焚毀其惡弱疋段仍具收納數
聞奏從之其向後犯者亦條流有差

後唐明宗天成二年十二月中書舍人程遜上言以民
間機杼多有假偽虛費絲纒不堪為衣請下禁止庶歸


朴素

漢隱帝乾祐三年左司負外郎盧振上言古先哲王之制布帛不中度不鬻於市比來組織之物輕重皆有定規近年已來織帛之家過為踈薄徒勞杼軸無益公私臣請三京鄴都諸道州府凡織造之家所織綾羅絕帛諸物並須斤兩尺度合官定規程不得輒為踈薄所在官吏覺察禁止不得更然

周世宗顯德三年五月詔曰化民成俗須務真純蠹物

害能莫先浮偽織絰杼軸之製素有規程裨販貿易之徒不許違越久無條理漸致澆訛苟所鬻之或精則酬直之必重宜從朴厚用革輕浮應天下今後公私織造到絹帛紬布綾羅錦綺及諸色疋段其幅尺斤兩並須合向來制度不得輕弱假偽罔冒取價如有已上物色等限一百日內並須破貨了絕如限外敢有違犯織造貨賣者即所在節級所由擒捉送官十月詔曰舊制織造純紬絹布綾羅錦綺紗縠等幅濶二尺五分不得夾

帶粉藥宜令諸道州府嚴切指揮來年所納官絹每疋
須及一十二兩河北諸州須及一十兩務要夾密停勻
其長依舊四十二尺



冊府元龜卷五百四

欽定四庫全書

子部

冊府元龜卷五百五
六

詳校官中書臣丁榮祚

侍讀臣孫球覆勘

總校官庶吉士臣何思鈞

校對官中書臣陸湘

謄錄監生臣范鳴謙

欽定四庫全書

冊府元龜卷五百五

宋 王欽若等 撰

邦計部

俸祿

國非賢不仕賢非后不食古先哲王官設居方必先正
位位定然後制祿三代相沿官倍於古周官太宰以八
柄馭羣官其二曰祿秦漢而下命秩尤衆差定名數以
月受俸下足以代耕上足以行義斯經世之令典官人

之達道雖百代孰能易哉若乃上無虛授下無虛受賞
之以禮報之以功使賢者無家食之歎居官絕素餐之
譏傳曰行爵出祿必當其位斯之謂至治矣

周武王初定天下更立公侯伯子男凡五等諸侯之上
大夫卿下大夫上士中士下士凡五等天子之田方千
里公侯田方百里伯七十里子男五十里不能五十者
不達於天子附於諸侯曰附庸天子之三公之田視公
侯天子之卿視伯天子之大夫視子男天子之元士視

附庸

皆象星辰之大小也不達謂不列朝會也附庸者以國事附于大國未能以其名通也視猶比也元

善也善士謂命士也此比殷所因夏爵三等之制也制農田百畝百畝之分上農

夫食九人其次食八人其次食七人其次食六人下農

夫食五人庶人在官者其祿以是為差

農夫皆受田於公田肥磽有五

等收入不同也庶人在官者謂府史之屬官長所除不命於天子國君者分或為糞諸侯之下士

視上農夫祿足以代耕也中士倍下士上士倍中士下

大夫倍上士卿四大夫祿君十卿祿次國之卿三大夫

祿君十卿祿小國之卿倍大夫祿君十卿祿

此班祿尊卑之差

諸侯之下士祿食九人中士食十八人上士食三十六人下大夫食七十二人卿食二百八十八人君食二千八百八十人次國之卿食二百一十六人君食二千一百六十人小國之卿食百四十四人君食千四百四十人次國之卿命於其君者如小國之卿天子之大夫為三監監於諸侯之國者其祿視諸侯之卿其爵視次國之君其祿取之於方伯之地方伯為朝天子皆有湯沐之邑於天子之縣內視元士

給齋戒自潔清之用湯沐用燭

漢高帝時因秦官號有御史大夫秩中二千石有兩丞

秩千石博士秩比六百石廷尉有正左右監秩皆千石

太子門大夫庶子秩皆六百石先

先或作洗

馬秩比謁者是

時三公號稱萬石其奉月各三百五十斛中二千石者

月各百八十斛二千石者百二十斛比二千石者百斛

千石者八十斛六百石者七十斛比六百石者六十斛

四百石者五十斛比四百石者四十五斛三百石者四

十斛比三百石者三十七斛二百石者三十斛比二百

石者二十七斛百石者十六斛斗食十一斛佐史奉八斛

文帝二年置一丞相有兩長史秩千石

武帝建元三年置期門僕射秩比千石

元狩五年置部刺史秩六百石

太初元年更名中大夫為光祿大夫秩比二千石太中大夫秩比千石又更名郎中令為光祿勳大行令為大鴻臚大農中尉為執金吾自太常光祿衛尉太僕大理

鴻臚宗正司農少府執金吾皆中二千石丞皆千石又
更右內史為京兆尹左內史為左馮翊都尉為右扶風

自太子太傅將作少府詹事將行

皇后卿即
大長秋也

典屬國水

衡都尉左馮翊右扶風皆秩二千石丞六百石是時司
隸城門中壘屯騎步兵越騎長水胡騎射聲虎賁射士
校尉秩皆二千石奉車都尉駙馬都尉秩比二千石前
後左右將軍長史秩千石又有議郎中郎侍郎郎中皆
無員多至千人議郎中郎秩比六百石侍郎比四百石

郎中比三百石中郎有五官左右三將秩皆二千石郎

中有車戶騎三將

主車曰車郎主戶衛曰戶郎漢儀注郎中令主郎中左右車將主左右車

郎左右戶將主左右戶郎也

秩皆比千石謁者秩比六百石有僕射

謁請也白也僕主也

秩比千石郡守秩二千石有丞邊郡又有長

史秩皆六百石郡尉秩比二千石有丞秩皆六百石縣

令長萬戶以上為令秩千石至六百石減萬戶為長秩

五百戶至三百石皆有丞尉秩四百石至二百石是為

長吏

吏理也主理其縣內

百石以下有斗食

漢官名秩簿云斗食月俸十一斛佐史月

奉八斛一說斗食者歲俸不滿百而計日而食一斗二升故云斗食也

宣帝地節二年置西域都護有副校尉秩比二千石帝又令中郎將騎都尉監羽林比二千石

三年置左右廷尉平秩皆六百石

神爵三年八月詔曰吏不廉平則治道衰今小吏皆勤事而奉祿薄欲其毋侵漁百姓難矣其益吏百石以下

奉十五

若食一斛則益五斗

元帝初元元年置戊己校尉有丞司馬各一人候五人

秩比六百石

成帝陽朔二年除八百石五百石秩

除八百就六百除五百就四百也

綏和元年大司馬大司空祿比丞相更部刺史名牧秩

二千石二年益吏三百石以下俸凡比二千石以上年

老致仕者參分故祿與之終其身

參音三其時亦有俸錢之差但本史不具

耳故元帝時貢禹上書曰臣為諫大夫秩八百石俸錢月九千二百廩食太官又拜為光祿大夫秩二千石俸

錢月萬二千祿賜愈多家日以益富

哀帝元壽二年大司馬有長史秩千石

平帝元始元年更名虎賁郎置郎中將秩比二千石

後漢光武建武二十六年增百官俸有千石以下減於

西京舊制六百石以下增於舊秩是時太傅太尉府長

史一人千石東西曹掾比四百石餘掾比三百石屬比

二百石故曰公府掾比古元士三命者也或曰漢初掾

史辟皆上言之故有秩比命士其所不言則為百石屬

其後皆自辟除故通為百石

漢舊注曰公令史百石自中興以後注不說石數

司徒司空府長史千石大將軍府長史司馬皆千石從

事中心郎六百石其領軍皆有部曲大將軍營五部部校尉比二千石軍司馬比千石部下有曲曲有軍候比六百石曲下有屯屯長比百石太史令六百石丞三百石博士祭酒六百石博士比六百石太祝令太宰令太子令高廟令世祖廟令陵園令每陵食官令太卜令皆六百石五官中郎將及左右中郎將虎賁中郎將羽林中郎將皆比二千石五官及左右虎賁中郎比六百石五官左右虎賁侍郎比四百石五官左右虎賁郎中比三

百石左右僕射左右陞長比六百石節從虎賁比二百石羽林郎比三百石羽林左右監六百石奉車都尉駙馬都尉比二千石騎都尉二千石光祿大夫比二千石太中大夫千石中散大夫諫議大夫議郎常侍謁者皆六百石謁者僕射比千石其給事謁者四百石灌謁者郎中皆三百石公車司馬令南北宮衛士令左右都候左右式道中候左右較令百軍中候考功令車府令未央廡令

六廡
令同

廷尉正左監右平鴻臚大行令公主家令

太倉令平準令道官令廩犧令太監令太官令守宮令
上林苑令黃門及黃門令掖庭令永巷令御府令祠祀
令鉤盾令中藏府令內謁者令尚方黃門穴從僕射符
節令武庫令皆六百石公主家丞三百石濯龍監直里
監官者丞從丞黃門署長玉堂署長丙署長皆四百石
永巷長比四百石宦者比三百石永巷郎中三百石中
黃門比百石侍中比二千石中常侍千石宦者無員後
增扶比三千
石黃門侍郎六百石尚書令御史中丞千石尚書治書

侍御史六百石左右丞侍郎四百石尚書令史符節令
史二百石蘭臺令史六百石執金吾太子太傅太常光
祿衛尉太僕廷尉大鴻臚宗正大司農少府諸卿皆中
二千石丞千石太子少傅將作大匠二千石太子家令
太子僕千石太子門大夫中庶子倉令食官令六百石
洗馬比六百石太子廐長中盾比二千石丞比六百石
令相千石丞尉四百石其六百石丞尉三百石長相四
百石及三百石丞尉皆二百石諸侯公主家丞秩皆比

二百石諸邊鄣塞尉諸陵校尉長皆二百石有常例者
不署秩司隸校尉比二千石京都尹郡太守二千石屬
國都尉使匈奴中郎將護烏桓校尉護羗校尉比二千
石州刺史六百石每縣邑道大者置令千石其次六百
石其次置長四百石其次三百石侯國之相亦如之
前漢

雒陽令秩千石丞及
孝廉左右尉四百石

鄉三老游徼百石

鄉戶五千
則置有秩

皇子

封王其郡為國王傳相皆二千石

殤帝延平元年中二千石俸月錢九千朱七十二斛二

千石錢六千五百米三十六斛比二千石錢五千米三十四斛千石錢四千米三十斛六百石錢三千五百米二十二斛四百石錢二千五百米十五斛三百石錢二千米十二斛二百石錢一千米九斛百石錢八百米四斛八斗大將軍三公臘賜錢各二十萬牛肉二百斤糲米百斛

將進侯以下各有差

立春之日遣使者賜文官司徒司空

帛三十疋九卿十五疋武官太尉大將軍各六十疋執

金吾諸校尉各三十疋武官倍文官也

桓帝延熹三年九月詔無事之官權約俸豐年如故

獻帝建安八年頒賜三公下金帛繇是三年一賜以為
常例

晉武帝泰始三年九月詔曰古者以德詔爵以庸制祿
雖下士猶食上農外足以奉公忘私內足以養親施惠
今在位者祿不代耕非所以崇化之本也其議增吏俸
太康元年平吳之後定官品第一至第九各以貴賤占
田品第一者占五十頃第二品四十五頃第三品四十

頃第四品三十五頃第五品三十頃第六品二十五頃
第七品二十頃第八品十五頃第九品十頃又得蔭人
以為衣食客及佃客品第六以上得衣食客三人第七
第八品二人第九品及舉輦跡禽前驅繇基強弩司馬
羽林郎殿中穴從虎賁殿中虎賁推持斧武騎虎賁持
鈇穴從虎賁命中虎賁武士一人其應有佃客者官品
第一第二者佃客無過四十戶第三品三十五戶第四
品三十戶第五品二十五戶第六品二十戶第七品十

五戶第八品十戶第九品五戶其佃穀皆與大家量分
簡文帝咸安二年三月詔曰往者事故之後百度未充
羣僚常俸並皆寡約蓋隨時之義也然退食在朝而祿
不代耕非經通之制今資儲漸豐可籌量增俸

宋高祖永初元年六月詔曰百官事殷俸薄祿不代耕
雖國儲未豐要令公私周濟諸供給等減半者可悉復
舊六軍見祿租可不在此例其餘官僚或自本俸素少
者亦疇量增之

二年二月制中二千石加公田一頃

文帝元嘉二十七年正月制交寧二州假收郡縣俸祿

聽依臺除

二月以軍興減百官俸三分之一

三月淮南太守諸葛闡求減俸祿同內百官於是州及郡縣丞尉並悉同減

孝武大明二年正月復郡縣田秩并九親俸祿

四年十月制郡縣減祿並先充公限

五年五月制帝室蕃親官非祿官者月給錢十萬

八月制方鎮所假白收郡縣年限依臺除祿三分之一

不給送

六年二月復百官祿

前廢帝永光元年二月減州郡縣田祿之半

明帝泰始五年六月以軍興已來百官斷俸並給坐食

南齊武帝永明元年正月詔經邦之寄寔資益民守宰

俸祿蓋有常准往以邊虞告警故沿時損益今區寓寧

晏庶績咸熙忠勤簡能宜加優獎郡丞尉可還田秩

又云

齊氏衆官有僅幹之役而不詳其制

七年正月詔曰諸大夫年秩隆重祿力殊薄豈所謂下車惟舊趨橋敬老可增俸評給見役

八年十二月詔尚書丞郎職事繁劇卹俸未優可量增賜祿

十年正月詔增內外有務衆官祿俸

明帝建武三年閏十二月詔今歲不須光新可以見錢

為百官供給

東昏侯永元元年正月詔三品清資以應食祿者二親
或祖父母年登七十並給見錢

梁高祖天監初定九品令帝於品下注一品秩為萬石
第二第三品為中二千石第四第五品為二千石

大通元年正月詔曰朕思利兆民惟日不足氣象環周
每弘優簡百官俸祿本有定數前代以來皆多評准頃
者因循未遑改革自今以後可長給見錢依時放出勿

令逋緩

太清末侯景之亂國用嘗徧京官文武月別唯得廩食

多遙帶一郡縣官而取其祿秩焉揚徐等大州比令僕

揚州督王畿理在建康徐州督重鎮京口並寧桂等小

外官刺史最重者尚書令僕射官品第三州比叅軍班寧州理建寧今雲南郡桂州理始安今郡

並與外官刺史最輕者府叅軍官品第六丹陽郡吳郡會稽等大郡同太子詹事尚書班丹陽理建康吳

郡會稽即今郡並列郡重高源晉康等小郡王班而已

者詹事尚書官品第三高源晉康即今郡並列郡軍輕者梁武帝定九品後其

內官吏為十班以班多者為貴同班者即以居下為劣

則典品第高下不論當是其時更以
清濁為差耳本史既畧不可詳焉
大郡六班小縣兩

轉方至一班其州郡祿米絹布絲綿當處轉臺傳倉庫
若給刺史令等先准其所部文武名物多少繇勅而裁
凡如祿秩既通所部兵士給之其家得蓋少諸王諸主
出閣就第婚冠所須及衣裳服飾并酒米魚鮮香油紙
燭等並定官給之王主壻外祿者不給解任還京仍亦
公給

後魏孝文太和八年六月詔曰置官班祿行之尚矣周

禮有食祿之典二漢著受俸之秩逮于魏晉不聿稽往
憲以經綸治道自中原喪亂茲制中絕朝政因循未遑
釐改朕永鑒四方求民之瘼夙興昧旦至於憂勤故憲
章舊典以班俸祿罷諸商人以簡民事戶增調三疋穀
二斛九斗以為官司之祿均預調為二疋之賦即兼商
用雖有一時之煩終克永逸之益祿行之後贓滿一疋
者死變法改度宜為更始其赦天下與之惟新初臨淮
王他奏求依舊斷祿文明太后令召羣臣議之中書監

高閣表曰天生蒸民樹之以君明君不能獨理必須臣以作輔君使臣以禮臣事君以忠故車服有等差爵命有分秩德高者則位尊任廣者則祿重下者祿足以代耕上者俸足以行義庶民均其賦以展奉上之心君王聚其財以供事業之用君班其俸垂惠則厚臣受其祿感恩則深於是貪錢之心止竭効之誠篤兆庶無侵削之煩百辟備禮容之美斯則經世之明典為治之至術自堯舜已來逮至三季雖優劣不同而斯茲弗改自中

原運否天下幅裂海內未一民數耗減國用不充俸祿
遂廢此則事出臨時之宜良非長久之道大魏應期紹
祚昭臨萬方九服既和八表咸謐二聖欽明文思道冠
百代動遵禮式稽考舊章准百王不易之勝法述前聖
利世之高軌置立隣黨頒宣俸祿事設令行於今已久
苛慝不生上下無怨姦巧革慮闕覲絕心利潤之厚同
於天地以斯觀之如何可革又洪波奔激則堤防宜厚
姦悖充斥則禁網須嚴且饑寒切身慈母不保其子家

給人足禮讓可得而生但廉清之人不必皆富豐財之士未必悉貧今始其俸則清者足以息其濫竊貪者足以感而勸善若不班祿則貪者肆其姦情清者不能自保難易之驗灼然可知如何一朝便欲去俸淮南之議不亦謬乎帝從閭議

十月詔曰俸制已立宜時班行其以十月為首每季一請於是內外百官受祿有差

九年二月制皇子封王者皇孫及皇曾孫紹封者皇女

封者歲祿各有差

十月詔均給天下民田諸宰人之官各隨近給公田刺
史十五頃太守十頃治中別駕各八頃縣令郡丞六頃
更代相付賣者坐如律

十年十一月議定民依戶給俸

十八年十二月詔王公侯伯子男開國食邑者王食半
公三分食一侯伯四分食一子男五分食一

十九年五月減閒官祿以裨軍國之用

孝明以延昌四年即位先是孝文時以軍國多事用度不足百官之祿四分減一及帝即位侍中領軍將軍于忠既擅權欲以惠澤自固乃悉復所減之祿

東魏孝靜天平二年十二月詔文武百官量事各給祿

北齊文宣天保七年十一月制刺史今盡行兼不給幹

物是時官秩一品每歲八百疋二百疋為一秩從一品七百疋

百七十五疋為一秩二品六百疋百五十疋為一秩從二品五百疋百二十五疋為一秩

疋為一秩三品四百疋百疋為一秩從三品三百疋七十五疋為一秩四

品二百四十疋

六十疋為一秩

從四品二百疋

五十疋為一秩

五品百

六十疋

四十疋為一秩

從五品百二十疋

三十疋為一秩

六品百疋

二十

五疋為一秩

從六品八十疋

二十疋為一秩

七品六十疋

十五疋為一秩

從

七品四十疋

十疋為一秩

八品三十六疋

九疋為一秩

從八品三

十二疋

八疋為一秩

九品二十八疋

七疋為一秩

從九品二十四

疋

六疋為一秩

祿率一分帛一分以粟一分錢事繁者優一

秩平者守本秩開者降一秩長兼試守者亦降一秩非

執事不朝拜者皆不給祿州郡制祿之法刺史守令下

車各前取一時之秩上上州刺史歲秩八十疋與司州
牧同上中上下各五十疋為差中上降上下百疋中中
及中下亦以五十疋為差下上降中下百疋下中下下
亦各五十疋為差上郡太守歲秩五百疋降清都尹五
十疋上中上下各以五十疋為差中上降上下四十疋
中中及中下各以三十疋為差下上降中下四十疋下
中下下各以三十疋為差上上縣歲百五十疋與鄴臨
漳成安三縣同上中上下各以十疋為差中上降上下

三十疋中中及中下各以五疋為差下上降中下二十疋
下中下下各以十疋為差州自長史下逮于史吏郡縣
自丞以下逮于掾佐亦皆以帛為秩郡有尉減丞之半
皆以其所出嘗調課給之自一品以下至流外勲品各
給事刀一品至三十人流外勲品或以五人為等或以
四人三人二人一人為等繁者加一等平者守本刀閒
者降一等諸州刺史守令以下幹及刀皆聽勅乃給其
幹出所部之人一幹輸絹十八疋幹身放之則白直充

武成河清四年以年穀不登詔減百官食廩各有差
後周太祖為西魏相創制六官祿秩下士百二十五石中
士以上至於上大夫各倍之上大夫是為四千石卿二
分孤三分公公四分各益其一公因盈數為萬石其元秩
百二十石八秩至於七秩每二秩六分而下各去其一
二秩一秩俱為四十石凡頒祿親年之上下畝至四釜
為上年上年頒其正三釜為中年中年頒其半二釜為
下年下年頒其一無年凶荒不頒祿

武帝保定二年四月詔曰比以寇難猶梗九州未一文
武之官立功効者雖錫以茅土而未給租賦諸柱國等
勲德隆重宜有優崇各准別制邑戶聽寄食他縣

隋高祖開皇元年十月頒新令自諸王已下至于都督
比給永業田各有差多者至一頃少者至四十畝京官
又給職分田一品給五頃每品以五十畝為差至五品
則為田三頃六品二頃其下每品以五十畝為差至九
品為一頃縣官亦各有職分田是時京官正一品祿九

百石其下每以百石為差至正四品是三百石從四品
二百五十石其下每以五十石為差至正六品是為百
石從六品九十石以下每以十石為差至從八品是為
五十石食封及官不判事者并九品皆不給祿其給皆
以春秋二季刺史太守縣令則計戶而給祿各以戶數
為九等之差大州六百二十石其下每以四十石為差
至於下下則三百石大郡三百四十石其下每以三十
石為差至於下下則百石大縣一百四十石其下每以

十石為差至於下下則六十石其祿唯及刺史二佐及郡守縣令

八年五月僕射高頴奏諸州無課調及有課調州管戶數少者官人祿力乘前已來嘗出附近之州但判官本為收人役力理出所部請於所管戶內計戶徵稅從之唐高祖初為隋相國罷外官給祿每十斛給地二十畝武德元年十二月因隋制文武官給祿正一品七百石從一品六百石正二品五百石從二品四百六十石正

三品四百石從三品三百六十石正四品三百石從四
品二百六十石正五品二百石從五品一百六十石正
六品一百石從六品九十石正七品八十石從七品七
十石正八品六十石從八品五十石正九品四十石從
九品三十石

並每年給

諸給祿者三師三公及太子三師三
少若在京諸司文武官職事九品以上并左右千牛備

身左右太子千牛並依官給其春夏二季春秋冬二

季秋給

凡京大武官每歲給祿總五千萬一千五百三十三石二斗自至德之後不給

其在外

武官九品以上准官皆降京官一等給其文武官在京

官上者則不降

諸給祿應給等者正從一品各以五十石為一等二品三品皆以三十石為一

等四品五品皆以二十石為一等六品七品皆以五石為一等八品九品皆以二石五斗為一等其俸

錢之制京司諸官初置公廨令行署及番官興易以充

俸又制內外官各給職分田京官一品十二頃二品一

十頃三品九頃四品七頃五品六頃六品四頃七品三

頃五十畝八品二頃五十畝九品二頃雍州及外州官

二品十二頃三品十頃四品八頃五品七頃六品五頃

金史卷之五十五
卷五十五
七品四項八品三項九品二項五十畝其統軍府及鎮
戍關津之官又節給量減京司及州縣又各公廨田課
其營種以供公私之費

太宗貞觀二年二月詔官人得上考給一季祿

六月制官人出使皆廩食妻子

十二月詔外官新到任多有匱乏准品計日給糧

三年正月詔官人得上下考給一年祿

八年中書舍人高季輔上表曰仕以應務亦以代耕外

官卑品猶未得祿既離鄉井理必貧煎但妻子之戀賢
達其猶累懷饑寒之加夷惠罕全其行為政之道期於
易從若不恤其匱乏難欲俾其清儉凡在末品中庸者
多正恐巡察歲出輜軒繼軌不能肅其侵漁何以求其
政術今戶口漸殷倉廩已實斟量給祿使得養親然後
督以嚴科責其報効則庶官畢力物議斯免

十年正月詔有司收內外職田除公廨田園外並官收
先給逃還貧下戶及欠丁田戶其職田以正倉粟畝率

二升給之

十一年三月勅內外官職田恐侵百姓先令官收慮其祿薄家貧所以別給地子去歲緣有水旱遂令總停如聞卑官頗難支濟事須優恤使得自資宜准元勅給其地子

十二年三月諫議大夫褚遂良以武德已後國家倉庫猶屬虛應京官料錢並給公廨本令當司令史番官興易給利計官員多少分給乃上疏曰為政之本在於擇

人不正其源遂差千里漢家以明經拜職或四科辟召
必擇器任使量才命官然則市井子孫不居官吏大唐
制令憲章古昔商估之人亦不居官位陛下近許諸司
令史捉公解本錢諸司取此色人號為捉錢令史不簡
性識寧論書藝但令身能估販家足貲財錄牒吏部即
依補擬大率人捉五十貫已下四十貫已上任居市肆
恣其販易每月納利四千一百年凡輸五萬送利不違
年滿受職有國家者嘗笑漢代賣官今開此路頗類於

彼在今七十餘司大率司引九人更一二載後年別即
有六百餘人輸利受職伏惟陛下下理致升平任賢為政
或文學高第或諸州進士皆策同片玉經若懸河奉先
聖之格言慕昔賢之廉恥拔十取五量能授官然犯禁
違公輒羅刑法况乎捉錢令吏主於估販志意分毫之
末耳目屢肆之聞輸錢於官以獲品秩荏苒年歲陛下
能不用之手此人習於性成慣於求利苟得無恥莫蹈
廉隅使其居職從何而可將來之弊宜絕本源臣每周

遊人間為國視聽京司僚庶爰及外官異口同辭皆言不便伏願勅朝臣遣其詳議帝納之是月勅並停改署胥士七千人以諸州上戶充准防閤例輸課二年一替計官員多少分給

十八年三月復京官職田以京兆及岐同華朔万等州空閑地及陂澤堪佃食者充之

二十一年二月令在京諸司依舊置公解給錢充本置令史胥士等令迴易納利以充官人俸

二十三年九月勅諸王並宜食一千戶封

高宗永徽元年四月廢京官諸司捉錢聿士其官人俸料以諸州租脚充

八月詔文武五品以上解官充侍者宜准致仕例每給以半祿并賜縑帛

麟德二年八月詔文官五品已上同武職班給仗身以掌閑幕士充之咸亨元年四月十二日停給

乾封元年八月詔京文武官應給防閣庶僕俸料始依

職事品其課及賜各依本品凡京文武正官每歲供給俸食等錢總十五萬二千七百二十貫員外官不在此數外官則以公廨田收及息錢等嘗食公用之外充月料先以長官定數其州縣少尹長史司馬及丞各減長之半大都督府長史副都督別駕及判司准上佐以職田數為加減其叅軍及博士判試判司主簿縣尉丞各三分之一諸內外員同正員者祿料賜會食料一事以上並同正員其不以同正員者祿賜食料亦同正員餘

各給半職田並不給自乾元之後以常賦不給內外官俸祿各減其半矣內供俸及裏行不帶本官者祿俸食料防閤庶僕一事以上並同正官帶官者聽從多處給若帶外官者依京官給諸簡較及判試知試等官不帶內外者料度一事以上准員外官同正員例給若簡較及判試之處正官見闕者兼給雜用其職田不應入正官者亦給其侍御史殿中及監察御史知試並同供俸裏行例

儀鳳三年八月詔廩食為費同資於上農歲俸所頒並課於編戶因地出賦則沃瘠未均據丁收物則勞逸不
等俾之富教其可得乎永念於斯裁懷釐創如聞文武
內外官應給俸料課錢及公廨料度封戶租調等遠近
不均貴賤有異輸納簡選事甚艱難運送脚錢損費實
廣公廨出舉迴易典吏因此侵漁撫字之方豈合如此
宜令王公已下百姓已上率口出錢以充防閭庶僕邑
士白直折衝府仗身并封戶內官人俸食等料既依戶

次貧富有殊載詳職務繁簡不類率錢給用須有等差
宜具條例并各逐便

中宗神龍二年七月制功臣段志玄屈突通蕭瑀李靖
秦叔寶長孫順德劉弘基宇文士及錢九隴程知節龐
卿暉竇琮苑君璋李子和張平高張公瑾梁雒仁安脩
仁秦行師獨孤卿雲蘇定方李安遠鄭仁泰杜君綽李
孟嘗等二十六家所食實封並依舊給

景龍二年九月勅諸色應食實封家戶一定已後不得

輒有移改

三年十月勅應食封邑者一百四十餘家應出封戶凡五十四州皆天下膏腴物產其安樂太平公主封又取富戶不在豁免限百姓着封戶甚於征行

冊府元龜卷五百五